

Chuailo

Forthnightly Newsletter



Vol. No. XI Issue No. 1

KOLKATA MIZO STUDENTS'

13th April, 2014 (Sunday)

2014-2015 KMS OB MEETING

VAWI KHATNA NEIH A NI.

Dt.02.04.14 khan kum 2013-2014 a KMS OB-te leh 2014-2015 atana OB tharte chuan Pu Talo Rosanga te inah charge an inhlan a, thil pawimawh hrang hrang rel hoin chawhlui kilho nghal a ni.

He hunah hian 2014-2015 atana OB tur thlan tharte chuan 2013-2014 chhunga OB te hnen atangin charge an la a, Meeting neih zui nghal niin, KMS Executive Committee member tur ruatna an nei nghal a ni.

Dt.03.04.14 ah hian a hma nia rel fel hman loh hrang hrang relin OB meeting hi President Alex Rosangluai a te inah neih chhonzawm a ni a, KMS hmachhawp hrang hrang ngaihtuah ho niin, sub Committee pahnih- Sports leh Social and Cultural-ah din nghal a ni bawk.

Dt.02.04.14 hian Pu Talo Rosangate inah charge inhlan a leh OB Meeting hmasa ber hi neih a ni a, Additional Resident Commissioner hian chawhlui tuihnai tak a lo buatsaihsak nghal a, a chungah KMS chu kan lawm takzet a ni.

OB Meeting hian kumthara KMS committee leh Sub Committee member atana a ruat thar zawng zawngte chu KMS leh Kolkata Mizo tana thahnemngai taka theihtawp chhuah theuh turin min ngen a, nihna leh chanvo nei thar zawng zawngte' n i ngaipawimawh ang u.

Tualchhung...

Tunlai hian khua a lum chho tan hle a. Hetiang hunah hian tlang hri leng kai a awl thin avangin fimkhur a ngai hle a ni.

Kan khua hi Mizoram lam atanga kawtkai ber a nih avang hian mi chi hrang hrang kan inkalpawh nasa hle a; hetiangah hian mitin kan fimkhur a ngai a ni. Fimkhurah fimkhur luat a awm love an tih thin kha i hre reng ang u.

Kan member thenkhat Mizoram lama haw chho tawh te, haw chho tur te an awm hlawm a, Hlim taka an chawh hmang turin kan duhsak a. Helai hmunah hian him dam taka kan intawh khawm leh ngei kan beisei.

KMS EX.COMMITTEE MEMBER LEH SENIOR ADVISER TURTE

Kum 2014-15 chhunga Kolkata Mizo Students' Executive Committee member leh Senior Adviser atana ruat tharte chu he'ng mite hi an ni;-

Lalruatfela Ralte
Lalruatkima
Lalrinchhana Fanai
R.Lalhruaimawia
K.Zohmingliani
Lalrinawmi Sailo
Angela Lalrinzuali
Vanlalhrualtuanga
Samuel Songate
Samuel Lalhriatpuia Pachuau
Vanlalhuma
B.Lalramnghaka
Leader, Sainthia MSU
Leader, Asansol Mizo Christian Service
Senior Adviser: Pu Talo Rosanga, MCS
Patron: Education Minister, Mizoram

KMS Sub-Committee member turte:-

Sports sub-committee:

Chairman: Zuliassa Hlychho (Vice Pre.)
Secretary: Gerald Lalhriatpuia (Sports Secy.)
Treasurer: Lalrinawmi Sailo
Members: H.Lalchhuankima, F.Lalrinchhana
Lalmuansanga(St.Xavier's), Lalruatsangi
Lalruatfela Ralte, Stephen Lalremruata
Flora Lalrinfeli, R.Lalthanzuala
K.Zohmingliani

Social and Cultural sub-committee:

Chairman: Zuliassa Hlychho (Vice Pre.)
Secretary: Laltlanzova Dargawn (Cultural Secy)
Treasurer: Angela Lalrinzuali
Members: Mimi Lalrawngbawli, C. Lalremruata
Jennifer Vanlallawmawmi, Lalrinawma Khawhling
H.Lallawmzuala, Nunsangzela Khupchawng
Lalmuansanga (Scottish), Lalruathlui (NIFT),
Lalremruati (NIFT)

CHUAILO

Estd. May, 2004

Editor : Lalanzova Darnagawn

Joint Editors : Lalruatkima

: Vanlalpeki Ralte

: Vanlalthuma

Patron : Alex Rosangluaia



Enkawltu Kamliam

Kum 2014-2015 term thar chu kan lo chuang kai leh ta reng mai a, a hmasa berah chuan min hruai kaitu Pathian hnenah lawmthu ka sawi a. Tin, **CHUAILO** Volume XI atana issue hmasaber chhuah theia kan awm hi kan hotute leh ka Editorial board member puite chungah lawmthu ka sawi baw.

Kan hruaitu thar thlan ten KMS Executive Committee member tur mi tha tak tak an ruat chhuak leh ta a, heng an ruat tharte hian ram leh khawtlang tana rawngbawlina ah ngai a KMS tan theitawp an chhuah theihna turin duhsakna ka hlan a. Member-te pawhin hruaitu an nih ang ngeiin zahthiamin an thu ngaichang thiam baw ila a tha awm e. An thil tih dik loh leh tihsualah erawh midang hnenah sawisel a rel zui mai lo in kan hruaitute hnenah an tih dik loh laite hrihlin a tih dan tur dik leh tha ni a kan hriat chu hrihlin thin ila. Kan hruaitute pawhin member-te tana tangkai leh hlawkthlak, KMS tana hmasawna turah rilru leh ngaihtuahna hmang thiam se a duhawm hle. Tin, KMS-in kum dang leh term danga kan tih thin dan ang lo takin Sports sub-committee leh Social & Cultural sub-committee kan din a, he sub-committee kan din hian chak tak leh nung takin Kolkata Mizo Students' min hruai turah beisei ang.

Ka tarlan tak ang khian term thar hmang chho mek kan ni a, term hmasa lama kan kal dan tha lo thlak ngai a awm ni a kan hriatte chu Ed. Board member-te hnenah thlen nise a tha ang. Tin, **CHUAILO** Newsletter-in hma a sawn chho zel theih nan advice kan dawng thei reng tih member-te kan in hriattir a. Tun term chhunga **CHUAILO** Newsletter khaihlak lo a tluang taka a kal chhunzawm zel theihna turin Article, Poetry leh Thawnthu engpawh rawn thawh turin KMS member leh nu leh pate ka sawm che u a, in tel lo chuan **CHUAILO** hi a kal thei dawn lo a ni tih hria a theitawp min chhuah pui turin ka ngen nghal baw a che u.

Member tin ten kan nun uluk ila nun dan mawi, dik leh tha zir belh zel ila. Puipun nikhua a kan chet dan leh awm dan hian kan rawn chhawr chhuahna chhungkua a pholang chiang hle tih hria in buaipui ngai leh khap ngai khawp a puipunna hmuna awm hi Kolkata-a awm Mizo-te tih atan a mawi lo tih hria in, a awm thin kan lo awm a nih chuan, sim hmak kan tum dawn nia.

Zirna Huang...

Thisen pek hi...

Mizo tlawmngaihna, nun ze mawi tak nena inhme em em mai; Hmanlai mizote'n an tih ngailoh leh an la hriatngailoh tunhnua kan tih tak 'Thisen Pek' hi midang tan nunna petu a ni tih kan hre theuh awm e. Mihring hrisel pangngaiyah chuan thisen pek hi a hlauhawmna a awm lo a, a mamawh tana pek hi malsawmna petu a ni thei ang.

Mizoramah chuan thisen mamawh te hian harsatna tam lutuk tawkw lovin a thisen man chaww lovin, remchang kan siam thei mai thin. Mahni Kohhran, YMA, etc. hming te'n a thlawnin damdawiinah te kan pe mai thin.

Helai kan khua Kolkata-ah pawh hian damlo thisen pek ngai an awm zeuh zeuh thin a; a remchan danin kan pe ve mai thin baw a. Helai kan hriattur chu Kolkata-ah hian damdawiin tam tak a awm a, hengah hian mizo damlo nitin hian kan awm ang. "Mizo ka ni alawm.." tia thisen va pek nghal rum rum hi kan tihtur ni mah se, kan khua (Kolkata) hi chuan mizo tlemte kan awm a, thisen pek hi indaihloh leh theihloh chin a la awm thei ang. Heng ka ziah chhan chu kan thisen pek hi heng damdawiin hian engtin nge a lo tih? A thlawna kan pek hi a damlote'n a thlawnin an dawng em? tih hi ngaihtuah ngun a ngai khawp mai.

Heng kan tlawmngaihna hi damdawiin te hian sum siamna awlsamah an hmang em? tih hi chhut ngun a tha khawp mai. Kan tlawmngaihna hi hmanruaah an hmang mai ang tih hi a hlauhawm thin. Chuvangin, thisen kan pek dawn hian kan hruaitute mai bakah, chinchang hre zawk te hi hrihlin hre fo thin ang u.

Summer Sports' 2014

Kan hma lawk Dt. 10.06.14 -13.06.14 inkar hian state danga zir laite chuan Sport kan nei leh dawn a. Kolkata Mizo Students' te pawh tel ve a tum a. Member-te'n he huna kan tel thei dawn a nih chuan tha taka lo inpuahchah turin KMS chuan min ngen a ni.

Hetiang Sport hunah hian tih mai mai tum mah ila, a hun a lo thlen hi chuan kan tang leh viau thin tih hre reng ila. Kan ti tha lo a nih chuan keimahni baw hi a rilru na leh tur kan ni a, kan hming a lang ve ta vek vek anih chuan a tha thei ang bera ti turin tan ila teh ang u.

Kumin Summer Sports' hi DMZP-in an huaihawt dawn a ni.

Article:

A thlirna tlang dang..

- Lalruatkima Mapuia

Kan thianpain a tia lawm, “Politician chu an han lal a, an lal em em a. An lal a han tawp a, an han tla chiah chu a hmaa salute thak thak thin tu te pawh khan an beng nawk nawk tawh mai a ni. Chuvangin Politician chu nih duh loh tur..” a ti thin.

Keini Kolkata lama zirlai awm te pawhin hmanni lawkah khan Kolkata Mizo Students’ Hruaitu tur thlanna kan nei a nih kha. Khang kan mithlan chhuah te kha an that leh that loh chu a tlangchhuak tute kutah a awm a ni tih kan hriat reng a tha.

Khang kan mi thlanchhuah te khan kum 2014-15 inkar chhungin Kolkata Mizo Students’ hruai turin member te chuan hnthawh kawr kan hak tir ta a. Kha kan thlanchhuah te hnathawhna kawngah erawh member te’n kan thawhpui loh chuan hna a chak thei dawn lo tih erawh a thlangtu member te’n kan hriat a ngai a, hruaitu chak nei thei tur chuan member te kan chak a ngai a, kan hruaitute kan tawiawm that khan hruaitute an chak dawn a ni.

Heti hian an sawi thin, “Zuite an nawi chuan zuitu pawh nawi a awl a, zuitu an that chuan zuite pawh zui an nuamin an tha a, hmasawna tam tak a awm thin a ni..” tiin. He thu hi a dik khawpin ka hre thin... hnathawh kawr kan hak tir kan hruaitu thlan thar ho kha mihring mihrinnaah chuan keini aia fing leh lak tlak an ni kher lo maithei, keini ai pawhin an lo zir sang lovin, an hmel te pawh a lo hnamchawm hmel zawk ta ve ang. Mahse, kan tihtheihloh tur leh kan tih peih loh tur ti turin hnathawh kawr kan hak tir a, hma hruai turin kan dah a. Chutianga hnathawh kawr kan har tir a nih chuan an hnungah tha taka kan zui ve reng a ngai a, kawng engkimah kan tawiawmna an mamawh reng dawn a ni.

Kolkata Mizo Students’ hian member kan nei tam lo tih chu a hre tute vek kan ni a. Amaherawhchu, member tin kan tanrualna a that chuan pawl chak tak leh thil ti thei tak kan lo ni dawn a ni. Kawng engkimah tanrualna hi a pawimawh a, tanrualna tha kan neih leh neih loh a thuin KMS hi a chakin a chak lo anga, KMS thil tihna vel pawh a nuamin a nuam lo thei dawn a ni.

Chutihlai chuan Kolkata Mizo Students’ hruaitu tura kan thlanchhuah te pawh khan thlan kan nih chhan hi kan hriat reng a ngai a ni. KMS hruaitu tura thlan kan nihna hian a ken tel chu hnathawh kawr hak tir kan ni tih hi kan hre reng tur a ni. Kan nihna khan larna emaw mi aia chungnunna emaw larna emawa ken kan tih

awm tak? chhungchuan pawl tichhe tu kan ni dawn a ni tih hi kan hre reng tur a ni. Hnthawh kawr min hak tir chuan hnthawh kawr kumtluaana fai taka hak reng hi zahthlakah i ngai ang u.

Pawl reng rengah chuan hotu ni lovin hruaitu tur an thlang thin a. Mi thenkhat chu thlanchhuah an han nih chiah hian Hruaitu ni lovin hotu emaw an inti ta thin a. Hetiang mi hi chuan an nihna hi hmachhuanin, midang rahbehna leh midang tana hrawn hrehawm an ni a, member tan zui an har thin. Hetiang hruaitu an awm hi chuan pawlah inlungual a harin, pawl a chak thei ngai lova, pawlin a chhiatpui thin.

Nakinah chuan...

Hun a lo kal anga, thil chi hrang hrang KMS hmingin kan la ti chho zel anga. Chutih hunah chuan tha taka kan tanrual a ngai dawn a ni. Kan duhdan diak diakin KMS hi a kal loh hun a lo awm anga, chutianga hunah chuan sawiseltu mai ni lova thurawn petu nih theuh tum hram ang u. Thenkhat chuan sawisel tur ringawt an hria a, a siamthatna lam an ngihtuah si lo. Hetiang mi hian pawl an tihnawk duh khawp mai.

Mi thenkhat chuan Pawlah hian engemaw ringawt beisei te, Pawl chhiatna tur pawh nimah se mahni tana a that a, mahni hming a lo lan mawi theih dawn phawt chuan pawl tihna nei lo an awm thin. Hetiang, pawn lam atanga tichhetu ni lo, chhunglam atanga nget awm thin hian Pawl a tichhe nget chhia a, a ti thi hlauh thei thin a ni. Hetiang hi pawl hmelma lian ber leh hlauhawm ber a nih avangin hetiang rilru pu chung hi chuan KMS lamah hian tel lo hram ang u. Kolkata Mizo Students’ hian engnge min tih sak ang? tih lawm ai chuan Kolkata Mizo Students’ tan hian engnge ka tih ve theih ang? tih hi kan rilru ni fo rawh se.

Khwnge, Kolkata Mizo Students’ 2014-15 term kan hman tanna turah hian kumdanga kan lo hman tawh dan leh kan lo tih thin dan thlir chung zelin, tun tum chu **A thlirna tlang dangin i han thlir ila, KMS tan theitawp i chhuah theuh ang u.**

Basketball

Kevin Durant, Oklahoma City Thunder chuan Rockets an hneh loh tumin 28 points a score a, game 40 a zawnin points 25 aia tam a scored-na a nia, Michael Jordan kum 1986-87 kum a record a siam game 40 a zawnin points 25 aia tam a scored chu a nih rualpui.

Didika

Lalrindika Ralte chuan I-League 2013-14 ah an la champion theih thu sawiin vawi 5 khelh turah kolkata ah vawi 3 khelh tur an la neih avanga chance an neih that thu a sawi. Didika chuan an manager Armando Colaco chu fakim ka inhliam vanga ka chawlh tihloh chu vawi 2 emaw vawi 3 emaw chiah first eleven ah min dahlo a ti. East Bengal a la rin tawh thu sawiin, "Tun tum I-League ah champion lo mah ila season lehah East Bengal tan ka la khel anga, nakumah chuan I-League ah kan champion ka ring" a ti.

Wrestling

Wrestling Khawvela Arsi engmawi deuh pakhat Ultimate Warrior chuan Dt.08.04.14. Kum 54 a upa niin a nupui leh a fate pahnih a kal san. Kum 1985 ah wrestling khawvelah a lutin kum 1998 ah a chawhlsan a, amah hi 6ft'2" a sang niin 125 kgs a rit a ni a ni. Dt 02.10.82-ah Shari Lynn Tyree nupuih a nei a, Shari hi Texas a Million Dollar Saloon a thawk ani a, chuta inchhar innei chu an ni a, Dt.22.03.91-ah an inthen a, kum 2000-ah khan tuna a nupui Dana hi neinin fanu pahnih an nei a ni.

Champions League

Europe-a club football inelna ngaihhlut ber UEFA Champions League chuan sponsor thar an nei dawn a, chu chu Japanese carmaker Nissan a ni. Nissan hian Ford ai an awh dawn a, an inremna chu season khata £45m(\$74.6m;54.5m euros) vel niin an chhut a ni. Tunah hian Champions League hian sponsor tu tha tak tak a nei nual a, chung zingah chuan Mastercard, Unicredit, Heineken, Gazprom leh Sony te pawh an tel a ni.

Varthansangi Memorial Football

Tournament Table

Team	P	GD	PTS
FC. Ballygunge	1	3	3
SA Boys'	1	1	3
Kasba FC.	1	-1	0
FC. Zalen	1	-3	0

He Tournament vawihnih theuh inkhelh kual tur a ni ang a, chuta point hmu sang pahnih chuan Final Dt.19.04.14 hian an khel dawn a ni.

Inkhel a tang a, a hmuhawm khawp mai. Inkhel en a, tawiawm theuh turin kan insawm e.

Kolkata-ah te chuan ka awm rei ve tawh em!

- Afaki @ Picnic Garden

Hmel en ang ngawt hi chu ka ni bik miah lo a nia.

- Samuel Songate

Ka thirsakawr a bo deuh thaw laia ka rilru hah zia kha aw... Ka chicks magnet ber ka chan dawn a nih hi ka ti hman alawm.

- Lawma @ Kestopur

Mr. President iangin kan nu ti ve leh deuh chhen tawh teh ang.

- Zuliasa @ Vice. President

Bangkok atangin ka rawn haw chiah a...

- Zohmingi @ Quest Street

Kolkata Zaimi Insuihkhawm pawl President seat a ruak in ti e lo?

- Hmingthana @ SA Boy's

I am ready to fall in Love again.

- Temami @ Treasurer

Kan hruaitute hian Hip Hop dance ka ti nasa ve thin tih an hre lo nge mawni? Min ruat tha duh lo riau.

- Christina @ Quest Street

Lawma Cycle bo chu a lawmna hun hman kan tum a sin mawle...

- Mafela @ Kestopur

President atan chuan ka inring tawh ve tih hi member-te pawhin an hria a nih dawn hi.

- Mr. President

Tun kum chu senior adviser ka ni bawh a, ka naute ho chu ka fuih tha thei ngawt ang.

- Pu Talo-a

Pu Chairman tih te a ngai dawn a a.. Kan van hreh tak aw. Pawilo, ka address kher zel lo mai ang!!

- Lalrinawmi

Thiante zarah leh thian ve leh te zarah kan lut ve thei ta hram e.

- Angie c/o First Lady

Kan Editor hian hmingthat a duh leh duh loh chu a thilphal dan a ni mai..

- Chuailo Jt. Editors'